

唐  
音  
統  
籤

古從軍

漢軍逐單于日沒嚴河曲浮雲道傍起行子車下  
宿槍城圍鼓角旣悵依山谷馬上懸壺漿刀頭分  
頸肉來時高堂上父母親結束回面不見客風吹  
破衣服金瘡在肢節相與拔箭鏃聞道西涼州家  
家婦人哭

思遠人

妾思常懸君行復綿君征途向何處碧海與青  
天鸚鵡人自有念誰令長在邊少年若不歸蘭室  
如黃泉

遠征歸

萬里發遼陽處、問家鄉回車不淹轍兩雪滿衣  
棠行見日月疾坐思道路長但令不征戍暗鏡生  
重光

晚思

春條露霏、曉氣生綠水林間棲鳥散遠念征人  
起幽花宿含彩早蝶寒弄翅君行非晨風詎能從  
門至

早起

回燈正衣裳出戶星未稀堂前候姑起環珮生晨

輝暗池光羃歷密樹花歲綻九城鐘漏絕遙聽直  
即歸

採桑

鳥鳴桑葉間綠條復柔々攀看去手近散下長々  
鉤黃花蓋野田白馬少年遊所念豈回志良人在  
高樓

邯鄲主人

遠客無主人夜投邯鄲市飛蛾遶殘燭半夜人醉  
起墟邊酒家女遺我綉綺被合成雙鳳花宛轉不  
相離從令顏色改勿遣合歡異一念始為難萬

金誰足貴門前長安道去者如流水晨風群鳥翔  
徘徊別離此

喻時

去者如燕雁來者如新衣鮮華非久長色落還棄  
遺詎知行者天豈悟壯者衰區區未死間回面相  
是非好聞苦不樂好視忽生疵乃明萬物情皆逐  
人心移古今盡如此達士將何為

勵學

買地不肥實其繁繁耕鑿良田少鋤理蘭蓀香亦  
薄勿以聰者迷故使宮徵錯誰言三歲童還能分

善惡攻、日求益猶恐業未博况我性頑蒙復不  
勤修學有如朝暮食暫虧憂隕穫若使無六經賢  
愚何所託

求友

鑒形須明鏡療疾須良醫若無傍人見形疾安自  
知世路薄言行學成棄其師每懷一飯恩千重勸  
勉詞數學既不誠朋友道日虧遂作名利交四海  
爭奔馳常慕正直人生死不相離苟能成我身甘  
與僮僕隨我言彼當信彼道我無疑針藥及病源  
以石投深池終朝舉善道敬愛當行之縱令誤所

見亦貴本相規不求立名聲所貴去瑕疵各願貽  
子孫永為後世寶

元日早朝

大國禮樂備萬邦朝元正東方色未動冠劍門已  
盈帝居在蓬萊肅々鍾漏清將軍領羽林持戟巡  
宮城翠華皆宿陳雪仗羅天兵庭燎遠煌々旗上  
日月明聖人龍火衣履殿開璇扃龍樓橫紫烟宮  
女天中行六蕃陪位次衣服各異形舉頭看玉牌  
不識宮殿名左右班扇開蹈舞分滿庭朝服帶金  
玉珊珊相觸聲恭階備雅樂九奏鸞鳳鳴徘徊度

雲中竿磬寒錦。三公再獻壽上帝錫永貞天明  
告四方群后保太平

從元太守夏讌西樓

六月晨亦熱卑居多煩昏五馬遊西城几杖隨來  
輪西樓臨方塘嘉禾常華軒鳬鷺滿中流有酒復  
盈樽山東地無山平視大海垠高風涼氣來灞景  
沉清源青矜儼坐傍禮容益存。顧為顏氏徒歌  
詠夫子門

早發金堤驛

蟲聲四野合月色滿城白家。閉戶眠行人發孤

驛離家尚苦熱衣服唯輕絡時節忽復遷秋風徹  
經脉人睡落塹轍馬驚入蘆荻慰遠時問程驚昏  
忽搖策從軍豈云樂憂患長縈積唯願在家貧團  
圓遇朝夕

題壽安南館

明發行間亭天暖幽桂碧雲生四面山水接當階  
石濕堤浴鳥痕破苔卧鹿跡不緣塵駕觸堪作商  
皓宅

七泉寺上方

長年好名山本性今得從回看塵蹟遙稍見麋鹿

蹤老僧雲中居石門青重々陰泉養成龜古壁飛  
却龍掃石禮新經懸牖上高峰日夕猿鳥合覓食  
聽山鐘將火尋遠泉煮茶傍寒松晚隨收藥人便  
宿南澗中晨起衝露行濕花枝茸々歸依向禪師  
願作者火翁

溫門山

早入溫門山群峯亂如戟崩崖欲相觸呀豁斷行  
跡脫屣尋淺流定足畏歌石路盡十里溪地多千  
歲栢洞門晝陰黑溪處惟石壁似見丹沙光々聞  
鍾乳滴靈池出山底沸水衝地脉暖氣成濕烟濛

濛濛中白隨僧入古寺便是雲外客日出天氣涼  
夜鐘山寂々

主人故亭

主人昔專城々南起高亭貴與賓客遊工者夜不  
寧酒食宴圃人栽接望早成經年使家僮遠道求  
異英郡中暫閒暇逸樹引諸生開泉浴山籬為愛  
山中聲世間事難保一日各徂征先生不相及花  
落實方榮我未至此中守吏非本名重君昔為主  
相與下馬行舊島日々摧池水不復清豈無後人  
賞所貴子自營澆酒向所思風起如有靈此去不

重來重來傷我形

壞屋

官家有壞屋居者顧難得苟或幸其遷因循任傾側若常君子住一日還修飾必使換椽楹先須木端直永令崔與鼠無處求棲息堅固傳後人從今勉勞力以茲喻臣下亦可成邦國雖曰愚者詞將來幸無惑

宋氏五女

貝州宋處士延芬五女若華若昭若倫若憲若荀

五女誓終養貞孝內自持兔絲自縈紆不上青松枝晨昏在親傍閒則讀詩書自得聖人心不同儒

者資少年絕音華貴絕父母詞素釵垂西髻短窄  
古時儀行成閨四方徵詔環珮隨同時入皇宮聯  
影步玉墀鄉中尚其風重為修茅茨聖朝有良史  
將此為女師

傷近者不見

離人隔中庭幸不為遠征雕梁下有壁聞語亦聞  
行天涯尚寄信此處不傳情君能並照水形影自  
分明

代故人新姬侍疾

雙轂不迴轍子疾已在傍侍坐長搖扇近醫牀下

床新施箱中幔未洗來時粧奉思繾綣意幸願莫  
相忘

聞故人自征戍回

昔聞著征戍三年一還鄉今來不換兵須死在戰  
場念子無氣力徒學事戎行少年得生隨有同墮  
穹蒼自去報爾家再行上高堂爾弟降廢擺爾母  
縫新裳恍々恐不真猶未苦承望每日空出城畏  
渴攜壺漿安得縮地經忽使在我傍亦知遠行勞  
人悴馬玄黃慎莫多停留苦我居者腸

贈王侍御

過者昧邪正貴將平道行君子抱仁義不懼天地  
傾三受主人辟方出咸陽城遲競匪自崇將顯求  
賢名自來掌軍書無不盡臣誠何必操白刃始致  
海內平恭事四海人甚於敬公卿有惡如已辱聞  
善如已榮或人居饑寒進退陳中情徹宴聽苦辛  
坐卧身不寧以心應所求盡家猶為輕衣食有親  
疎但恐踰禮經我今願求益詎聽為友生幸君揚  
素風永作來者程

和裴相公道中贈別張相公

雲間雙鳳鳴一去一歸城鞍馬朝天色封章戀闕

情日臨官樹高烟蓋沙草平會當戎事息聯影遠  
池行

酬張十八病中寄詩

本性慵遠行錦上病自生見君綢繆忍慰我寂寞  
情風幌夜不掩秋燈照兩明彼愁此又憶一夕兩  
盈

酬栢侍御聞與韋處士同遊靈臺寺見寄

西域傳中說靈臺屬雍州有泉皆聖蹟有石皆佛  
頭所出蘆蔔香外國欲來求毒蛇護其下煎者不  
可偷古碑在雲巔備載置寺由魏家移下來後人

始增修近與韋處士愛此山之幽各自具所須竹籠  
盛茶甌牽馬過危棧縈衣涉奔流草開平路盡林  
下大石稠遇郭轉經峯忽見東西接瀑布當寺門  
迸落衣裳秋石苔鋪紫花溪葉裁碧油松根戴殿  
高飄飄仙山浮縣中賢大夫一月前此道賽神賀  
得兩豈暇多停留二十韻新詩遠寄尋山侍清冷  
玉澗泣冷切石磬愁君名高難開余身愚終休相  
將長無因從今生離憂

寄崔列中丞

火山無冷地濁流無清源人生在艱世何處避諠

言諸侯鎮九州天子開四門尚有忠義士不得申  
其冤嘉木移遠植為我當行軒君子居要途易失  
主人恩我受古人道師君直且溫貪泉誓不飲邪  
路誓不奔如何非岡坂故使車輪翻妓妾隨他人  
家事幸獲存當時門前客默々空冤煩從今遇明  
代善惡亦須論莫以曾見疑直道遂不敦

山中寄及第故人

長々南山松短々北澗楊俱承日月照幸免斤斧  
傷去年與子別誠言暫還鄉如何棄我去天路忽  
勝驟誰謂有隻目識貌不識腸豈知心內垂著我

薜蘿裳尋君向前事不嘆今異翔往々空室中寤寐說瑤璋十年居此溪松桂日蒼々自後無佳人山中不輝光盡棄所留藥亦焚舊草堂還君誓已書歸我學仙方既為叅與辰各願不相望始中名利途慎勿罹咎殃

寄李益少監兼送張實遊幽州

大雅廢已久人倫失其常天若不生君誰復為文網迷者得道路溺者遇舟航國風人已變山澤增輝光星辰有其位豈合離帝傍賢人既遐征鳳鳥安來翔少小慕高名所念隔山岡集卷新紙封每

讀常焚香古來誰自達取鑒有賢良未為知音故徒  
恨名不彰諒無金石堅性命豈能長常恐一世中  
不上君子堂偉哉清河子少年志堅強篋中有素  
文千里求發揚自顧音韻乖無因合宮商幸君達  
精誠為我求回章

將過故山留別杜侍御

有川不得涉有路不得行沉。百憂中一日如一  
生錯來干諸侯石田廢春耕虎戟衛重門何因達  
中誠日月俱照耀山川異陰晴如何百里間開目  
不見明我今歸故山誓與草木并願君去丘坂長

使道路平

劉辰翁云古意

留別舍弟

孤賤相長育未曾為遠遊誰不重歡愛晨昏闕珍羞出門念衣單草木當窮秋非疾有憂歎實為人子九世情本難合對面隔山丘况復干戈地懦夫何所投與爾俱長成尚為溝壑憂豈非輕歲月少小不勤修從今解思量勉力謀善猷伊得成爾身衣食寧我求固合受此訓墮慢為身羞一作歲暮常歸來慎莫懷遠遊

荆南贈別李肇著作轉韻詩

輝天復輝地再為歌詠始素傳學道徒清門有君  
子文澗瀉潺湲德峯來壘西京二十年投食公卿

一作  
神相

間封章既不下故舊多慙顏賣馬市耕牛却

歸湘浦山麥秋蠶上簇衣食應豐足碧澗伴僧禪  
秋山對雨宿且欺身體拙幸免纓組束上寧鎮荆  
州敬重同歲遊歡逢通世友簡授畫貳籌遲就  
公食膾別野衷主人開宴席禮教無形跡醉笑  
或顛吟發談皆損益臨甕理芳鮮升堂引賓客早  
歲慕嘉名遠思今始平孔門忝同轍潘儲幸諸甥  
自知再婚娶豈望為親情欣還切又二千里

別楚筆防寄書蜀茶憂遠熱關山足重疊會合何時節莫勸各從軍且愁岐路分美人停玉指離瑟不中聞爭向巴山夜猿聲滿碧雲

幽州送申稷評事歸平盧

行子繞天北山高寒復深升堂展客禮臨水濯纓衿驅馳戎地馬聚散林間禽一杯馭東流各願無異心薊亭難苦寒春夕勿重衾從軍任白頭莫賣故山岑

送薛蔓應舉

四海重貢獻珠實稱至珍聖朝開禮闈所貴集嘉

賓苦生在世間此路出常倫一士登甲科九族光  
彩新幢上車馬徒爭路長安塵萬目視高天昇若  
得苦辛况子當少年丈人在咸秦出門見宮闕獻  
賦待朱輪有賢大國豐無子一家貧男兒富邦家  
豈為榮其身煌煌文明代供辛生此辰自顧非國  
風難以合聖人子去東堂上我歸南澗濱願君勤  
作書與我山中隣

送張籍歸江東

清泉滌塵縉靈藥釋昏狂君詩發大雅正氣回我  
腸復今五彩姿潔白歸天常昔歲同講道青襟在

師傍出處兩相回如彼衣與裳行。成歸計離我  
遠咸陽失意未還家馬蹄盡四方訪餘詠新文不  
倦道路長僮僕懷昔念亦如還故鄉相親惜晝夜  
寢息不異床猶將在遠道忽一起思量黃金未為  
鹽無以挹酒漿所念俱貧賤安得相發揚迴車遠  
歸省舊宅江南廂歸鄉非得意但貴情義彰五月  
天氣熱波濤毒於湯慎勿多飲酒藥膳顧自強

送于丹移家洛州

憶昔門館前君常童子年今來見成長俱過述所  
傳詩禮不外學兄弟相攻研如彼販海翁豈種溪

中田四方尚爾文獨我敬爾賢但愛金玉聲不貴  
金玉堅孤遺一室中寢食不相捐飽如腸胃同疾  
若膚體連耕者求沃土漚者求深源彼邦君子居  
一日可徂遷念此居處近各為衣食牽從今不見  
面猶勝異山川既秉歡會期鬱々西難宣素琴若  
無徽安得宮商全他皆緩別日我願促行軒送人  
莫長歌長歌離恨延羸馬不知去過門常盤旋會  
常為爾隣有地窖一泉

送韋處士老舅

憶昨癡小年不知有經籍常隨童子遊多向外家

劇偷花入隣里弄筆書牆壁照水學梳頭應門未  
穿幘人前賞文性梨果蒙不惜賦詠字新衆探題  
得幽石自從出閔輔三十年作客風雨一飄飄親  
情多阻隔如何二千里塵土驅蹇瘠良久陳苦辛  
從頭嘆衰白既來今又去暫笑還成戚落日動征  
車春風卷離席雲臺觀西路華嶽祠前栢會得過  
帝鄉重尋舊行蹟

送同學故人

各為四方人此地同事師業成有先後不得長相  
隨出林多道路緣岡復遠陂念君辛苦行令我形

體疲黃葉墮車前四散當此時亭上在蕭索山風  
水離二

送人

白日向天沒黃河復東流人生足著地寧免四方  
遊我行無返顧況子勿回頭當須向前去何用起  
離憂但恐無廣路平地作山丘令我車與馬歎疾  
反停留蜀客多積貨邊人易封侯男兒戀家鄉歡  
樂為仇讐丁寧相勸勉苦口幸無尤對面無相成  
不如對虎傳彼遠不寄書此寒莫寄裘與君俱絕  
跡兩念無因由

和錢舍人水植詩

盆裏盛野泉  
晚幽池好初  
活草根浮重  
生荷葉  
小多時水馬  
出盡日蜻蜓  
遠  
朝早獨來看  
冷星沉  
碧曉

丁籤七十六王建之二

唐音統籤卷

三百四十五

七言古詩

烏棲曲

章華宮人夜上樓  
君王望月西山頭  
夜深宮殿門不鎖  
白露滿山葉墮

白紵歌二首

天河漫漶北斗燦  
宮中烏啼知夜半  
新縫白紵舞衣成  
來遲邀得吳王迎  
低鬟轉面掩雙袖  
玉釵浮動秋風生  
酒多夜長夜不曉  
月明燈光兩相照  
後庭歌聲一作舞更窈窕

館娃宮中春日暮荔枝木瓜花滿樹城頭烏栖休  
擊鼓青娥彈瑟白紵舞夜天曛不見星宮中火  
照西江明美人醉起無次第墮釵遺珮滿中庭此  
時但願可君意迴盡為宵亦不寐年々奉君々莫  
棄

古宮怨

楊升庵絕句辨  
體作司空曙誤

亂鳥啞々飛復啼城頭晨夕宮中栖吳王別殿繞  
江後宮不開美人死

溫泉宮行

十月一日天子來青繩御路無塵埃宮前內裏湯

各別每箇白玉芙蓉開朝元閣向山上起城繞青  
山籠暖水夜開金殿看星河宮女知更月明裏武  
皇得仙王母去山雞畫啼一作鳴宮中樹溫泉決  
出宮流宮使年年修玉樓禁兵去盡無射獵日西  
麋鹿登城頭梨園弟子偷曲譜頭白人間教歌舞

### 行宮詞

上陽宮到蓬萊殿行宮巖上遙相見向前天子行  
幸多馬蹄車轍山川遍當時州縣每年修皆留內  
人看玉案禁兵奪得明堂後長閉桃源與綺岫開  
元歌舞古草頭梁州樂人世嫌舊宮家乏人作宮

戶不泥宮牆斫宮樹西邊仗屋半崩摧夜火入林  
燒殿柱休封中岳六十年行宮不見人眼穿

遼東行

遼東萬里遼水曲古戍無城復無屋黃雲蓋地雪  
作山不惜黃金貴衣服戰迴各自收弓箭正西回  
面家鄉遠耳。郡縣送征人將興遼東作丘坂寧  
為草木鄉中生有身不向遼東行

涼州行

涼州四邊沙皓。漢家無人開舊道遼頭州縣盡  
胡兵將軍別築防秋城萬里人家皆已沒耳。旌

節發西京多來中國收婦女一半生男為漢語著  
人舊日不耕犁相學如今種禾黍驅年名著錦為  
衣為惜氈裘防關時養蠶繅成疋帛那得統帳  
作旌旗城頭山雞鳴角口洛陽家々學一作胡樂

### 隴頭水

隴水何年隴頭別不在山中亦鳴咽征人塞耳馬  
不行未到隴頭聞水聲謂是西流入蒲海還聞北  
去繞龍城隴東隴西多屈曲野廩飲水長簇々胡  
兵夜回水傍住憶著來時磨劍處向前無井復無  
泉放馬回看隴頭樹

送衣曲補

去秋送衣渡黃河今秋送衣上龍坂婦人不知道  
徑處但聞新移軍近遠半<sub>一</sub>年著道經雨濕開籠見  
風衣領急舊來十月初點衣興<sub>一</sub>即著向營中集絮  
時厚<sub>一</sub>綿纂<sub>一</sub>貴欲征人身上暖願<sub>一</sub>即莫著累屍  
歸願妾不死長送衣

東征行

桐栢水西賊星落泉雛夜飛林木惡相國刻日渡  
濟清當朝自請東南征舍人為賓侍郎副曉覺蓬  
萊穴珮聲玉階舞蹈謝旌節生光向前山可穴同

時賜馬并賜衣御樓看帶弓刀發馬前猛士三百  
人金書左右紅旗新司庖掌膳皆得對好事將軍  
封爾身男兒生殺在手裏營門老將皆憂死睡  
白日常當南山不立功名終不還

### 荊門行

江邊行人暮悠々山頭殊未見荊州峴亭西南路  
多曲櫟林深々石簇々看炊紅米煮白魚夜向雞  
鳴店家宿南中三月蚊蚋生黃昏不聞人語聲生  
紗帷疎薄如霧隔衣嚙膚耳邊鳴欲明不待燈火  
起喚得官船過蠻水女兒停客茆屋新開門掃地

桐花裏犬聲撲。寒溪烟人家。燒竹種山田。巴雲  
欲雨蕉石熟。麋鹿過江蟲出穴。大蛇過處一山腥。  
野牛驚跳雙角折。斜分漢水橫千山。山青水綠荆  
門關。向前問個長沙路。舊是屈原沉溺處。誰家丹  
旆已南來。逢著流人從北去。月明山鳥多不栖。下  
枝飛上高枝啼。主人念遠心不憚。羅衫對舞一作對  
章臺。夕紅燭交橫。各自歸酒醒。還是他鄉客。壯年  
留滯尚思家。况復白頭在天涯。

田家行

男聲欣欣女顏悅。人家不怨言語別。五月雖熟麥

風清簷頭索上縹車鳴野蠶作繭人不取葉間撲  
上秋蛾生麥秋上場絹在軸的知輸得官家足不  
望入口復上身且免向城賣黃犢田家衣食無厚  
薄不見縣門身即樂

### 田家留客

人客少能留我屋客有新漿馬有粟遠行童僕應  
苦飢新婦厨中炊欲熟不嫌田家破門戶蚕房新  
泥無風土行人但飲莫畏貧明府上來可苦辛丁  
車回語房中妻有客勿令兒夜啼雙塚直西有縣  
路我教丁男送君去

劉須溪云情至語  
盡歌舞有不能

神樹詞

我家西老棠樹須時即晴雨即雨四時八節上  
杯盤願神莫離神處所男不著丁女在舍事官上  
下無言語老身長捷樹婆娑萬歲千年作神主

賽神曲

男抱琵琶女作舞主人再拜聽神語新婦上酒勿  
辭勤使爾男姑無所苦掛漿湛桂座新一雙長  
箭繫紅巾但願牛年滿家宅十月報賽南山神青  
天無風水復碧龍馬上鞍牛服輓紛々醉舞踏衣  
裳把酒路傍勸行客

斜路行 補

世間要客非

一作不

要婦中庭牡丹勝松樹九衢大

道人不行走馬奔車逐斜路斜路行熟直路荒東

西豈是

一作不

橫太行南樓彈絃北戶舞行人到此

多徊

一作傷

徨頭白如絲面如蠟忠學少年行不返

縱令自解思故鄉輪折蹄穿白日晚誰將古曲換

斜音回取行人斜路心

當憲織

歎息復歎息園中有案行人食

劉須溪云古

貧家女為

富家織翁母隔牆不得力水寒手澁絲脆斷續來

續去心腸爛草虫促一作織機下啼西日催成一  
足半輸官上頭有零落姑未得衣身不著當憲却  
羨青樓倡十指不動衣盈箱

織錦曲 補

大女身為織錦戶名在縣家供進簿長頭起樣呈  
作官間道官家中苦難回花側葉與人別唯愁秋  
天綠線乾紅縷歲綻紫茸軟蝶飛參差花宛轉一  
梭聲盡重一梭玉腕不停羅袖卷窓中夜久睡髻偏  
橫釵欲墮垂著肩合衣卧時參沒後停燈起在雞  
鳴前一匹千金不賣限日未成官裏恠錦江水

涸貢轉多宮中盡著華絳羅莫言山積無盡日百  
尺高樓一曲歌

海人謠

海人無家海裏住採珠殺象為歲賦惡波橫天山  
塞路未央宮中常滿庫

射虎行

自去射虎得虎歸官差射虎得虎遲獨行以死當  
虎命兩人相疑終不定朝上暮上空手回山下綠  
苗成道徑遠立不敢汗箭鏃闌死還來分虎肉惜  
留猛虎著深山射殺恐畏終身閑

羽林行

長安惡少出名字樓下劫商樓上醉天明下直明  
光宮散入五陵松柏中百回殺人身合死赦書尚  
有收城功九衢一日消息定鄉吏籍中重改姓出  
來依舊屬羽林立在殿前射飛禽

水運行

西江運船立紅幟萬棹千帆繞江水去年六月無  
稻苗已說水鄉人餓死縣官部船日算程暴風惡  
雨亦不停在生有樂當有苦三年作官一年行壞  
舟畏鼠復畏漏恐向太倉折升斗辛勤耕種非毒

藥者著不入農夫口用盡百金不為費但得一金  
即為利遠徵海稻供邊食豈如多種邊頭地

### 水夫謠

苦哉生長常驛邊官家使我牽驛船辛苦日多樂  
日少水宿沙行如海鳥逆風上水萬斛重前驛過  
過後蘇上半夜緣堤雪和雨受他驅遣還復去衣  
寒衣濕披短蓑臆穿足裂忍痛何到明辛苦無處  
說齊聲騰踏牽船出一間茆屋何所直父母之邦  
去不得我願此水作平田長使水夫不怨天

### 夢看梨花雲歌

補花詞 雲華漫錦云東坡作梅  
花詞云高情已逐晚雲空不

典梨花同夢注云唐王建有夢看梨花雲詩余歷求之乃得其全篇或誤傳為王昌齡非也

薄<sub>二</sub>落<sub>一</sub>霧不分夢中喚作梨花雲  
瑤池水光蓬萊雪青葉白花相次發  
不從地上生枝柯合在天  
頭繞宮闕天風微<sub>一</sub>吹不破  
白艷却愁春晝露玉  
房綵女齊看來錯認仙山鶴  
飛過落英散粉飄滿  
空梨花顏色同不同  
眼穿臂短取不得亦如  
從夢中無人為我解  
此夢梨花一曲心珍重

丁籤七十六王建之三

唐音統籤卷

三百四十六

七言古詩

春詞

良人早朝半夜起櫻桃如珠露如水下堂把火送  
即回移枕重眠曉窓裏

春詞

紅烟滿戶日照梁天絲軟弱蟲飛揚菱花霍七統  
睂光美人對鏡着衣裳庭中並種相思樹夜七還  
樓雙鳳凰

秋夜曲二首

天清漏長霜泊々蘭 收榮桂膏凋高樓雲鬢弄  
嬋娟古瑟暗斷秋風絃玉閨遙隔萬里道金刀不  
剪殘淚泉香囊火死香氣少向帷合眼何時曉城  
烏作營啼野月秦川少婦生離別  
秋燈向壁掩洞房良人此夜直明光天 河悠々  
漏水長南斗北斗兩相常

失釵怨

貧女銅釵惜於玉失却來尋一日哭嫁時女伴與  
作粧頭戴此釵如鳳皇雙杯行酒六親喜我家新  
婦宜拜堂鏡中乍無失髻樣初起猶疑在床上海

樓翠鈿飄舞塵明日從頭一遍新

老婦歎鏡

嫁時明鏡老猶在黃金縷盡雙鳳背憶昔咸陽初  
買來燈前自繡芙蓉帶十年不開一片鐵長向暗  
中梳白髮今日後床重照看生死終當此長別

去婦

新婦去年胼手足衣不暇縫  
蠶廢簇白頭使我憂  
家事還婦夜裏燒殘燭當初為取一作信傍人語豈  
道如今自辛苦在時縱織絹遲有絲不上隣家

機

長安別

長安清明好時節只宜相送不宜別  
惡他林上銅片明照見離人白頭髮

別曲

毒蛇在腸瘡滿背去年別家今別弟  
馬頭對哭各東西天邊柳絮無根蒂

贈離曲

合歡葉墜梧桐秋鴛鴦背飛水分流  
少年使我忽相棄雌雄雄鳴夜悠々  
夜長月沒蟲切々冷風入房燈焰滅  
若知去路各東西彼此不忘同心結  
收

取頭邊蛟龍枕留著箱中雙雉裳我今焚却舊房  
物免使他人登爾床

寄遠曲

美人別來無歲所巫山月明湘江兩千迴相見不  
分明井底看星夢中語兩心相對尚難知何況萬  
里不相疑

鏡聽詞

重日摩挲嫁時鏡夫婿遠行憑鏡聽回身不遺別  
人知人意丁寧鏡神聖懷中收拾雙錦帶恐畏銜  
頭見驚慙嗟下堂階獨自窺前來跪拜出

門願不聞悲哀即在任卽回不回月明地上人過  
盡好語多同皆道來卷帷上床喜不定興卽裁衣  
失翻正可中三日得相見重綉鏡囊磨鏡面

開池得古釵

美人開池北堂下拾得寶釵金未化鳳皇半在雙  
股齊鈿花落處生黃泥當時墮地覓不得暗想  
中還夜啼可知將來對夫婿鏡前學梳古時髻莫  
言至死亦不遺還似前人初得時

公無渡河

渡頭惡風兩岸遠波濤塞川如疊坂幸無白刃驅

向前何用將身自棄捐蛟龍噬骨魚食血黃泥直  
下無青天男兒縱輕婦人語惜君性命還須取婦  
人無力挽短衣舟沉身死悔難追公無渡河公須  
自為

主人故池

西池高閣相連起荷葉團圓蓋秋水主人已遠涼  
風生舊客不來芙蓉苑

宮人斜

未央牆西青草路宮人斜裏紅妝墓一邐載出一  
邐來更衣不減尋常數

北邙行

北邙山頭少閒土盡是洛陽人舊墓舊墓人家一作洛陽人家歸墓多堆著黃金無買處天涯悠一作悠葬日促  
崗坂崎嶇不停轂高張素幘統銘旌夜唱挽歌山  
下宿洛陽城北復城東魂車祖馬長相逢車轍廣  
若長安路蒿草少於松柏樹澗底盤陀一作山頭一作澗底石  
漸稀盡向墳前作羊虎誰家古碑文字滅後人重  
取書年月朝一作朝車馬送墓回還起大宅興高臺

寒食行

寒食家一作家出古城老人看屋少年行丘壠年一作年無

舊道車徒散行

一作車  
蹤散亂

入衰草牧童驅牛下塚頭

是有家人來灑掃  
遠人無墳水邊祭  
還引婦姑望鄉拜  
三日無火燒紙錢  
紙錢那得到黃泉  
但看壠上無新土  
此中白骨應無主

七夕曲

河邊獨自看

一作對

星宿夜織天孫難接續  
拋梭振

鐻動明璫為有秋期  
眠不足遙愁今夜河水隔  
龍駕車轆鵲填石流  
蘇翠帳星渚間環珮  
無聲燈寂寂雨情纏綿  
忽如故復畏秋風生  
曉路幸回郎意且斯須  
一年中別今始初明星  
未出少停車

塞上梅

天山路傍一枝梅，年々花發黃雲下。昭君已沒漢使迴，前後征人惟繫馬。日夜風吹滿壠頭，還隨壠水東西流。此花若近長安路，九衢年少無攀處。

精衛詞

精衛誰教爾填海，遷石子青磊々但得海水作枯池。海中魚龍一作鰐何所為，口穿豈為空啣石。山中草木無全枝，朝在樹頭暮海裏。飛多羽折時墮水，高山未盡海未平。願我身死子還生。

戴勝詞

戴勝誰與爾為名，木中作窠牆上鳴。  
聲一作催我急種穀，人家向田不歸宿。  
紫冠絲一作褐羽，班啣得蜻蛚。  
飛過屋，可憐白鷺滿綠池。  
不如戴勝知天時。

春燕詞

新燕新燕何不定，東家綠池西家井。  
飛鳴當戶影悠揚，一遶簷頭一遶梁。  
黃姑說向新婦女，去年墜子汗衣箱。  
已能辭山復過海，幸我堂前故巢在。  
求食慎勿愛高飛，空中飢鷲為爾害。  
辛勤作窠在屋梁，願得年年主人當。

空城雀

空城雀何不飛來人家住空城無人種禾黍土間  
生子草間長滿地蓬蒿幸無主近村雖有高樹枝  
雨中無食長苦飢八月小兒挾弓箭家裏畏向田  
頭飛但能不出空城裏秋時百草皆有子報言黃  
口莫啾々長爾得成無橫死

別鶴曲

主人一去池水絕池鶴散飛不相別青天漫々碧  
海重知向何山風雪中萬里雖然音影隔兩心終  
是死生同池邊巢破松樹死樹頭年々烏生子

祝鵲

神鵲神鵲好言語行人早迴多利賂我今庭中栽  
好樹與汝作巢當報汝

傷韋令孔雀詞

可憐孔雀初得時美人為爾別開池  
上邊鳳皇作伴侶羗聲鸚鵡無言語  
一作尋雕籠玉架嫌不栖夜  
夜思歸向南舞  
一作南如今憔悴人見惡萬里更  
求新孔雀熱眠兩水飢拾蟲翠尾盤泥金彩落多  
時人養不解飛海山風黑何處歸

傷隣家鸚鵡詞

東家小女不惜錢買得鸚鵡獨自憐自從死却家中女無人更共鸚鵡語十日不飲一滴漿淚漬綠毛頭似鼠舌閨啞咽高哀怨開籠放飞離人眼短聲亦絕翠臆翻新暮崔嵬舊巢遠此禽有志女有靈定為連理相並生

鞦韆詞

長繩綠綆紫復碧嫋嫋橫枝高百尺少年女兒重鞦韆盤中結帶分兩邊身輕裙薄易生力雙手向空如鳥翼下來立定重繫衣復畏斜風高不得傍人送上那足貴終賭明璫闌自起回回若與高樹

齊頭上寶釵從隨地眼前爭勝難為休足踏平地  
看始愁

### 尋橦歌

人間百戲皆可學尋橦不比諸餘樂重梳短髻下  
金釵紅帽青巾各一邊身輕足捷勝男子統竿四  
面爭先緣習多倚附欺竿滑上下踰躐皆著襪翻  
身垂頸欲落地却住把橦初似歌大竿有夫擎不起  
裏一半在青雲裏纖腰女兒不動容戴行直舞一  
曲終回頭但見人眼見矜難恐畏天無風險中更  
險無蹉失山鼠懸頭猿掛膝小垂一手當舞盤斜

慘雙蛾看落日斯須改變曲解新貴欲歡他平地  
人散時自覺滿一作面生顏色行步依前無氣力

古謠

一東一西隴頭水一聚一散天邊霞一來一去道  
上客一顛一倒池中麻

宛轉詞

宛々轉々勝上紗紅々綠々苑中花紛々泊々夜  
飛鷗寂々寞々離人家

兩頭纖々  
馮氏詩紀載此為漢人作者誤

兩頭纖々青玉玖半白半黑頭上髮隔々膊々春

冰裂磊々落日桃初結

題天台隱靜寺補

隱靜靈山寺天鑿盃度飛來建巖壑五峯直上挿  
銀河一澗當空瀉寥廓崆嶔黯淡碧琉璃一作瑤殿  
白雲吞吐紅蓮閣不知勢壓天幾重鐘聲常在月  
中落

長短句

獨漉歌

獨漉獨漉鼠食猫肉烏日中鶴露宿黃河水直入  
心曲

望夫石

望夫處江悠々化為石不回頭山頭日々風復雨  
行人歸來石應語

雛將雛

雛啾啾雛出殼毛斑々嘴啄々學飛未得一尺高  
還逐母行旋母脚麥壠淺々難蔽身遠去戀雛低  
怕人時々土中鼓兩翅引雛拾蟲不相離  
子母之愛  
亦可悲也  
新須溪  
云油然

短歌行

人初生日初出上山遲下山疾百年三萬六千朝

夜裏分將強半日有歌有舞須早為昨日徒於今  
日時人家見生男女好不知男女催人老短歌行  
無樂聲

關山月

關山月營開道白前軍發凍輪當磧光悠々照見  
三堆兩堆骨邊風割面天欲明金沙巔頭看々沒  
渡遼水

渡遼水此去咸陽五千里來時父母知隔生叢著  
衣裳如送死亦有白骨歸咸陽營家各與題本鄉  
身在應無回渡日駐馬相看遼水傍

飲馬長城窟

長城窟長城窟遠多馬骨古來此地無井泉賴得  
秦家築城卒征人飲馬愁不回長城變作望鄉堆  
蹄蹤未乾人去追續後馬來泥污盡枕弓睡着待  
水生不見陰山在前陣馬蹄足脫裝馬頭獵兒戰  
死誰封侯

春來曲

春欲來每日望春門早開黃衫白馬帶塵土逢着  
探春人却回御堤內園曉過急九衢大宅家入  
看春少女染桃花露粧初出紅猶濕光風嘷蝶

宛一作庭遠一作樹氣匝枝柯軟可憐寒食街中即早  
起著得單衣裳少年即是一作見春好處似我白頭  
無好樹

春去曲

春已去花亦不知春去處綠尚繞澗却歸來百迴  
看著無花樹就中一夜東風惡收紅拾紫無遺落  
老夫不比少年兒不中教與春別離

行見月

月初生居人見月一月行行、一年十二月強半  
馬上看盈一作圓缺百年歡樂能幾何在家見少行

見多不緣衣食相驅遣此身誰願長奔波篋中有  
帛倉有粟豈向天涯走碌碌家人中一作見月望我  
歸正是道上思家時

遠將歸

遠將歸勝未別離時在家相見熟新婦歡不足去  
顧車輪遲回思馬蹄遲但令在舍相對貧不向天  
涯金逸身

烏夜啼

庭樹烏爾何不向別處棲夜夜半當戶啼家人  
把燭出洞戶驚棲失群飛落樹一飛直欲飛上天

回回不離舊棲處未明重繞主人屋欲下空中黑  
相觸風飄雨濕亦不移君家樹頭多好枝

蠶蠶辭

蚕欲老箔頭作蠶綠皓皓場寬地高風日多不向  
中庭燃蒿草神蚕急作莫悠揚年來為爾祭神桑  
但得青天不下雨上無蒼蠅下無鼠新婦拜簇願  
蠶稠女灑杷漿男打鼓三日開箔雪團圓先將新  
蠶送縣官已聞鄉里催織作去與誰人身上著

促刺詞

促刺復促刺水中無魚山無石少年雖嫁不將歸

片言集  
頭白猶著父母衣四邊田宅非所有我身不及逐  
雞飛出門若有歸死處猛虎當衢向前去百年不  
遣蹈君門在家誰喚為新婦豈不見他隣舍娘嫁  
來常在舅姑傍

銅雀臺

嬌愛更何日高臺空數層含啼暎雙袖不忍看西  
陵漳水東流無復來百花輦路為蒼苔青樓月夜  
長寂寞碧雲日暮空徘徊君不見鄴中萬事非昔  
時古人不在今人悲春風不逐君王去草色年年  
舊宮路宮中歌舞已浮雲空指行人往來處

丁籤七十六王建之四

唐音統籤卷

三百四十七

五言律詩

塞上曲

補

漫上復淒淒黃沙暮漸迷人當故鄉立馬過舊營  
嘶斷雁逢冰磧回軍占雪漢夜來山下哭應是送  
降奚

昭應官舍

繞廳春草合知道縣家閒行見雨遮院卧看人上  
山避風新浴後請假未醒間朝客輕卑吏從他不  
往還

初到昭應呈同僚

白髮初為吏有慙年少即自知身上拙不稱世間  
忙秋雨縣牆綠暮山宮樹黃同官若客許長偕老  
僧房

縣丞廳即事

宮殿半山上人家高下居古廳眠受魔老吏語多  
虛雨水洗荒竹溪沙填廢渠聖朝收外府皆自九  
天除

長安春遊

騎馬傍閒坊新衣著兩香桃花紅粉醉柳樹白雲

狂不覺愁春去何曾得日長牡丹相次發城裏又  
須忙

閒居即事

老病貪光景尋常不下簾妻愁耽酒僻人嗔考詩  
嚴小婢偷紅紙嬌兒弄白髯有時看舊卷未免意  
中嫌

貧居

眼底貧家計多時總莫嫌蠹生騰藥紙字脫換書  
籤避雨拾黃葉遮風下黑簾近來身不健時就六  
壬占

山居

屋在瀑泉西茅簷下有溪  
閉門留野鹿分食養山  
雞桂熟長收子蘭生不作畦  
初開洞中路溪處轉  
松梯

林居

荒林四面通門在野田中  
頑僕長如客貧居未勝  
蓬舊綿衣不煖新草屋多風  
唯去山南近閉親  
藥翁

新修道居

世間無所入學道處新成  
西面有山色六時聞磬

聲聞加經遍數老愛字分明若得離煩惱焚香過  
一生

### 新開塋山處

新開塋山處今朝減病眠應移千里道猶自數峰  
偏故欲遮春巷還來遠暮天老夫行步弱免到寺  
門前

### 原上新居十三首

新占原頭地本無山可歸荒藤生葉晚老杏著花  
稀廚舍近泥竈家人初飽薇弟兄今四散何日更  
相依

一家榆柳新四面遠無隣人少愁閑病莊孤幸得  
貧耕牛長顧飽樵僕每憐勤終日憂衣食何由脫  
此身

長安無舊識百里是天涯寂寞思逢友荒涼喜見  
花訪僧求賤藥將馬中豪家昨得新蔬菜朝盤忽  
覺奢

雞鳴村舍遙花發水蕭條野竹初生筍溪田未得  
苗家貧僮僕瘦春冷菜蔬焦甘分長如此無名在  
聖朝

春來梨棗盡啼哭小兒飢隣富雞長去莊貧客漸

稀借牛耕地晚賣樹幼錢遲瑞下當官路依山補  
竹籬

自掃一間房唯鋪獨卧床野羨溪菜滑山紙水苔

香陳藥初和白

一作

新經未入黃近來心力少休

讀養生方

擬作讀書

人空房置淨巾鎖茶藤篋密曝藥竹

床新老病應隨業因緣不離身焚香向居士無計

出諸塵

移家近住村貧苦自安存細問梨果植遠求花藥  
根倩人開廢井起犢入新園長愛當山立黃昏不

閉門

和煖逸林行新貧足喜聲掃渠憂竹旱澆地引蘭  
生山客憑栽樹家僮使入城門前粉壁上書著縣  
官名

住處鐘鼓外免爭當路橋身閑時却困兒病可來  
嬌雞睡日陽暖蜂一作蝶狂花艷燒長安足門戶疊

疊者登朝

近來年紀到世事總無心古鶴憑人榻閒詩任客  
吟送經還野院移石入幽林谷口春風惡梨花蓋  
地深

嬾更學諸餘林中掃地居  
膩衣穿不洗白髮短慵  
梳苦相常多淚勞生自悟  
虛閑行人事絕親故亦  
無書

住處去山近傍園麋鹿行  
野桑穿井長荒竹過墻  
生新識隣里面未諳村社  
情名田無力及賤賃與人  
耕

### 寒食

田舍清明日家上出火遲  
白衫眠古巷紅索搭高  
枝紗帶生難結銅釵重欲  
垂斬新衣踏盡還似去年  
時

冬夜感懷

晚年思愛少耳目近於僧一夜不聞語空房惟有  
燈氣噓寒被濕霜入破窗凝一作目照斷得人間  
事長如此念能

惜懽

當懽須且懽過後買應難歲去停燈守花開把火  
看狂來欺酒淺愁盡覺天寬次第頭皆白齊年人  
已殘

照鏡

忽自見憔悴壯年人亦疑髮綠多病落力為不行

衰暖手揉雙目看圖引四肢老來真愛道所恨寬  
還遲

飯僧

一作短

別屋炊香飯薰辛不入家溫泉調葛粉淨手摘藤  
花蒲鮮除青葉芹蘆帶紫芽願師常伴食消氣有  
薑茶

一作樂天詩  
小異

山中惜花

愁看花漸稀罪過酒醒時尋覓風來處驚張夜落  
時遊絲纏故藥宿葉守空枝開取當軒地年七樹  
底期

過趙居士擬置草堂處所

休師竹林北空可西三間雖愛獨居好終來相伴  
閑猶嫌近前樹為礙看南山的有溪耕處春初須  
早還

隱者居

山人住處高看日上蟠桃雪縷青山脉雲生白鶴  
毛朱書護身咒水喫斷邪刀何物中長食胡麻慢  
火熬

題東華觀

路盡烟水外院門題上清鶴雛虛解語瓊葉軟無

聲白髮道心熟黃衣仙骨輕寂寥虛境裡何處覓  
長生

汴路水驛

晚泊水邊驛柳塘初起風蛙鳴蒲葉下魚入稻花  
中去舍已云遠問程猶向東近來多怨別不與少  
年同

汴路即事

千里河烟直青槐夾岍長天涯同此路人語各殊  
方草市迎江貨津橋稅海商回看故宮柳憔悴不  
成行

南中

天南多鳥聲  
州縣半無城  
野市依蠻姓  
山村逐水  
名瘴烟沙上  
起陰火雨中  
生獨有求珠  
客耳入海行

塞上逢故人

百戰一身在  
相逢白髮生  
何時得鄉信  
每日算歸  
程走馬登寒  
壠驅羊入廢  
城羌笛三兩  
曲人醉海  
西營

醉後境山中故人

花開草復秋  
雲水自悠悠  
因醉暫無事  
在生難免

愁遇晴須看月關健且登樓暗想山中伴如今盡  
白頭

謝李績主簿

館舍幸相近因風及病身一官雖隔水四韵是同  
人衰卧朦朧曉貧居冷落春少年無不好莫恨滿  
頭塵

贈溪翁

溪田借四隣不省解憂身看日和仙藥書符救病  
人伴僧齋過夏中酒卧經旬應得丹砂力一作霜力春

來黑髮新

贈洪哲師

老僧真古画  
閒坐語中聽  
識病方書聖  
諸山草木  
靈人來多一作還  
施藥願滿  
不持經  
相伴尋溪竹秋

苔襪履青

題法雲禪院僧

不剃頭多日  
禪來白髮長  
合村迎住寺  
同學乞修  
房覺少持經  
力憂無養病  
糧上山猶得  
在自解衲  
衣裳

貽小尼師

新剃青頭髮  
生來未掃眉  
身輕禮拜穩  
心慢記經

遲喚起猶侵曉催齋已過時春晴堦下立私地美

花枝

方回云襲  
傷已甚

淮南使回留別賓侍御

戀々春恨結綿々淮草深病身愁至夜遠道畏逢  
陰忽逐酒盃會暫同風景心從今一分散還是曉  
枝禽

歸昭應留別城中

喜得近京城官卑意亦榮並床歡未定離室思還  
生計拙偷閑住經過買日行如無自來分一驛是  
遙程

送嚴大夫赴桂州

巖頭分界堠一牛屬湘潭水驛門旗出山蠻洞主  
參辟邪犀角重解酒荔枝甘莫嘆京華遠安南更  
有南

送李評事使蜀

勸酒不依巡明朝萬里人轉江雲棧細近驛板橋  
新石冷啼猿影松昏戲鹿塵少年為客好况是益  
州春

送人遊塞

初晴天墜絲晚色上春枝城下路分處邊頭人去

時停車數行日勸酒問回期亦是范客還從此  
別離

送流人

見說長沙去無親亦共愁陰雲鬼門夜寒雨啼江  
秋水國山魈引蠻鄉洞主留漸看歸處阻垂白佳  
炎州

答寄芙蓉剋子

一學芙蓉葉初開映水幽雖經小兒手不稱老夫  
頭枕上眠初戴風前醉恐柔明年有閨閣此樣必  
難求

題所賃宅牡丹花

賃宅得花饒初開恐是妖粉光深紫膩肉色退紅  
嬌且願風留著惟愁日炙焦可憐零落蕊收取作  
香燒

和武門下傷韋令孔雀

孤弄秋閣陰韋令在時禽覓伴海山黑思鄉橘柚  
深舉頭聞舊曲顧尾惜殘金頗類不飛去重君池  
上心

五言排律

照鏡

終日自纏繞此身無遑緣萬愁生旅夜百病湊衰  
年少睡憎明屋牖行待暖天癢頭梳有虱風耳灸  
聞蟬換白方多錯迴金法不全家貧何所戀時在  
老僧邊

送鄭尚書文苑南海

七郡旌旄貴人皆不憶迴戍頭龍腦鋪閨口象牙  
堆勅設薰爐出蠻辭呪節開市喧山賊破金賤海  
船來白氍毹家、織紅蕉處、裁已將身報國莫起  
望鄉臺

送吳郎中赴忠州

西臺復南省清白上天知家每因窮散官多為直  
移巡邊過驛近買藥出城遲朝達憑人別親情伴  
酒悲故園愁去後白髮想回時何處忠州界山頭  
車望旗

秋日送杜虔州

記得宿新宅別來餘蕙香初聞守郡遠一日卧空  
床并驛烟火濕路人消息狂山樓添鼓角村柵立  
旗槍夕渚露荷敗早衙風桂涼謝家章句出江月  
少輝光

杜中丞書院新移小竹

此地本無竹遠從山寺移經年求養法隔日記澆  
時嫩綠卷新葉殘黃收故枝色經寒不動聲與靜  
相宜愛護出常數稀稠看自知貧家原未有客散  
獨行遲

同于汝錫賞白牡丹

晚日花初吐春寒白未凝月光裁不得蘇合點難  
勝柔膩沾雲葉新鮮掩鶴膺純心黃倒暈側蕊紫  
重稜乍斂看如睡初開問欲磨並香幽蕙苑比艷  
美人憎價數千金貴形相兩眼疼自知顏色好愁  
被彩光凌